

IV. fol. 229. eodem modo *Ezechiel*, nisi quod a C. XXXVI. v. 22. ab ipso Prophetæ textu manum abstinuerit Librarius, relictoque spatio solam *Lyran* circumdederit interpretationem.

In exteriori Theca deprehensus est fugientibus ductibus: *M. Conradus Salter*, quem eundem puto cum *Conr. Salder de Rotnacker*, quem ab a. 1449. ter Decanatu Philosophico functum tradit *Locheri Speculum Acad.* An vero is Commentaria hæc Auditoribus praelegerit, an solum possederit, in incerto est.

LXXV.

R. 907 Codex membraneus lat. Sec. XIV. Folior. 208. f. per columnas jam plures, jam pauciores luculente et eleganter exaratus, coloribus distinctus, quondamque Collegii S. J. *Viennæ* continet I. *Prophetiam Ezechielis* cum Glossa ordinaria, interlineari, et Postillis *Nic. de Lyra*, quibus facer Textus diversimode aut circumdatur, aut stipatur pro lectorum nempe commodo. Adest *Praefatio Hieronymi*, cui mox adjungitur prolixus locus *Gregorii M.* de triplici Tempore Prophetiae ex *Homil. I. in Ezech.* atque ita per decursum etiam interpretis iste in subsidium vocatur.

II. fol. 154. Succedit eodem modo adornata *Prophetia Danielis*. A Cap. XIII. five *Susannæ* Historia sensim deficiunt Glossatores, et Cap. XIV. ad v. 17. ultimus expirat Interlinearis in ver-
Denis Codd. Theol. V. II. P. I.

ba: *Rex exclamavit voce magna*, ita commentans: *Videtur hic falli (quis? an Daniel?) quod solet dici, magnam vocem non esse nisi in sanctis tantum; sed hec pericope apud grecos non est.* Non certe apud LXX. Verum, an non meminit *Hieronymi* ad finem Cap. XII. notantis: *Cetera quae sequuntur usque in finem Libri, de Theodotionis editione translata sunt?* Ibi enimvero legitur: ὁ βασιλεὺς ἔκονσεν φωνὴν μεγάλην. Ceterum si Codex hic elegans olim pars fuit, ut videtur, universi Operis biblici glossati, dolendum sane est, partes distractas fuisse.

LXXVI.

Codex membraneus lat. Sec. R. 3171 XIV. Folior. 134. f. columnis binis, ternisve nitide exaratus, coloribusque speciosus complectitur XII. *Prophetas Minores* ab *Osea* ad *Malachiam*. Praefationibus et Argumentis solitis praemissis, et utraque Glossa tam ad margines, quam inter lineas adstituta, unde duplex character: major Textus, minor τῶν Παρεργῶν. In ora infera fol. 2. ab alia manu notatur: *Expositores hujus libri Apollinaris Laodicensis, Origenes, Pierius, Eusebius Caesariensis, Didymus, Hieronymus*, quorum 1. et 3. non nisi ab *Hieronymo* commemorati.

LXXVII.

Codex membraneus lat. Sec. R. 3308 primum XIII. dein VIII. Folior. nunc 179. f. utrobique eleganter
H exara-

exaratus, literis capitalibus picturatis, minioque distinctus completur I. lineis longis *Libros Machabaeorum*, quorum prior *Breviarium Capitum LVII.* ante se, posterior vero *Capitum LV.* post se habet. Textus quandoque levius a Vulgata variat. Ita L. I. c. I. *virtutem exercituum pro virtutem et exercitum. Et tenuerunt pueri ejus pro obtinuerunt. Radix peccati deleto rix*, quod jam scriptum erat. *Iustitias gentium pro iustitiam.* L. II. c. 12. *offerri pro peccato sacrificium pro offerri pro peccatis mortuorum sacrificium*, magis videlicet ad graecum *παρασφαισας θυσιας*. &c.

II. deinceps manu luculenta Sec. VIII. columnis 2. angustis: *Incipit Epistola Ad Romanos.* Sequitur *Ad Corintheos Prima*, *Ad Thessolonicensis*, quae est II. denique *Ad Philamonem.* Textus hic Pauli in minores *Παρασφαισας* divisus est, quarum Epistola I. censet 51. II. 71. III. 9. et IV. 4. In I. Membranae compactoris vitio aliquantum turbatae sunt. Calami errores non adeo frequentes occurrunt.

III. et quidem fol. 118. eadem conditione succedit Series *Homiliarum* seu *Lectionum* XVIII. Gregorii M. et *Augustini*, quas oportet excutere. 1) *Omelia Sancti Gregorii De Decem Uirginibus.* Init: *Saepe uos ammonedo fratres karissimi prava opera fugere* &c. Est L. I. *Homiliar. in Evang.* n. 12. ut edit. Maur. T. I. col. 1476. 2) *Omelia Lectionis Ejusdem*, id est, *Evangeli* sec. *Lucam* C. 8. v. 4. Init: *Leccio Sancti Evange-*

lii quam modo &c. ut T. cit. col. 1488. n. 15. 3) Sub hoc Rubro: *Quae sunt instrumenta bonorum Operum*, longa *Enumeratio Officiorum Perfectionis Christianae*, quae incipit: *In primis dominum deum diligere ex toto corde tota anima tota uirtute*; deinde *proximum tamquam seipsum*; deinde non occidere, non adulterare &c. et concludit: *Officina uero ubi haec omnia diligenter operemur, claustra sunt monasterii et stabilitas in congregatione.* 4) *Incipit Lectio de Nativitate Domini.* In primis de *Incarnatione D. N. J. C.* Ita: *Legimus moysen populo dei praecepta dantem* &c. Nulla *Augustini* mentio; recte etiam a *Maurianis* in *Adpend. T. V. col. 401.* amandatus Sermo, quamvis vetustus. 5) *Incipit Sermo Sancti Augustini De Nativ. D. N. J. C. De Concepto Sanctae Mariae.* Ita: *Castissimum marie uirginis uterum* &c. Eodem remissus ad col. 324. inventus tamen etiam in Codicibus admodum vetustis. 6) *Incipit Sermo Sancti Gregorii In die Natalis Domini.* Ita: *Quia largiente domino missarum* &c. ut T. supra c. L. I. n. 8. col. 1460. 7) *Incipiunt Omelias (sic) Lectiones De Theophania.* Ita: *Hodierni diei per uniuersum mundum* &c. Est *Augustini* IV. de *Epiph. Opp. T. V. col. 914.* 8) *Incipiunt Omelie Sancti Augustini Episcopi De Epiphania.* Ita: *Intellegere possumus fratres karissimi quantam gratiam* &c. Sermo rejectus in *Adpend. col. 242.* 9) *Euangelium Ubi D. N. J. C. Baptizatus est Idemque Ut Legitur*